



Republika e Kosovës

Republika Kosovo / Republic of Kosovo

Komuna e Rahovecit

Opština Orahovac / Municipality Rahovec

Drejtoria për Bujqësi, Pylltari dhe Zhvillim Rural

Uprava za Poleprivredu, Sumarstvo i Ruralni Razvoj

Department of Agriculture, Forestry and Rural Development



REPUBLIKA E KOSOVËS
REPUBLIKA KOSOVA

KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu



-III- Nr. I prot. 6610 Më 26.12.2023
Br. prot. Dt. 26.12.2023
RAHOVEC - ORAHOVAC

PLANI I PUNËS

2024

Dhjetor, 2023

Përmbajtja

DREJTORIA PËR BUJQËSI, PYLLTARI DHE ZHVILLIM RURAL.....	3
PRIORITETET E DREJTORISË SË BUJQËSISË, PYLLTARISË DHE ZHVILLIMIT RURAL.....	3
Tremujori i parë: janar, shkurt, mars	4
Tremujori i dytë: prill, maj, qershor	5
Objektivat kryesore në gjashtëmujorin e parë të vitit 2024	6
Tremujori i tretë: korrik, gusht, shtator	7
Tremujori i katërt: tetor, nëntor, dhjetor	8
Objektivat kryesore në gjashtëmujorin e dytë të vitit 2024	8
PËRFUNDIM	9

DREJTORIA PËR BUJQËSI, PYLLTARI DHE ZHVILLIM RURAL

Drejtoria për Bujqësi, Pylltari dhe Zhvillim Rural ushtron disa nga këto përgjegjësi:

- Ndërmerr masa të planifikimit dhe masat tjera që ndikojnë në përparimin e bujqësisë,
- Kujdeset të sigurojë, që tokat bujqësore të shfrytëzohen për prodhimtari bujqësore, me qëllim të ruajtjes dhe mbrojtjes së potencialit bujqësor në mënyrë të përhershme duke u bazuar në parimet e zhvillimit të qëndrueshëm ekonomike të Komunës,
- Kujdeset të përcaktohet shfrytëzimi, mbrojtja, rregullimi dhe qiradhënia e tokës bujqësore,
- Të monitorojë ndihma veterinare dhe të përkujdeset për mbrojtjen e shëndetit dhe parandalimin e sëmundjeve të kafshëve shtëpiake,
- Mbrojtjen e resurseve natyrore duke përfshirë pyjet, rërën dhe aktivitetet për thyerjen e gurëve nga kompetenca komunale,
- Forcimin e bashkëpunimit në mes të fermerëve dhe grupeve të tjera të interesit, si dhe mundësi të mirë, për rritjen e kapaciteteve prodhuese bujqësore dhe blegtorale,
- Shërbime këshillimore, subvencionimet e fermerëve, zbatimin e projekteve kapitale të komunës dhe qeverisë në sektorin e bujqësisë dhe blegtorisë,
- Mbrojtjen e pyjeve publike, pyjeve private si dhe pyjeve në pronë publike të cilat janë në pronësi të ekonomisë së pyjeve, konform Ligjeve në Fuqi në Republikën e Kosovës,
- Mban evidencë për tokat bujqësore, llojet dhe sipërfaqet me kultura bujqësore, llojet kategoritë dhe numrin e krerëve të kafshëve shtëpiake, shoqëritë e bletëve, etj

PRIORITETET E DREJTORISË SË BUJQËSISË, PYLLTARISË DHE ZHVILLIMIT RURAL

Duke pasur parasysh se sektori i Bujqësisë është në fokusin kryesor të Komunës tonë, Drejtoria për BPZHR, për vitin 2024 ka paraparë që të vazhdojë mbështetjen e fermerëve për rritjen e kapaciteteve prodhuese, modernizimin e bujqësisë, tërheqjen e investimeve, zbatimin e projekteve të hartuara gjatë planifikimit, me qëllim të rritjes së mirëqenies së qytetarëve, rritjes ekonomike dhe të punësimit.

Duke u bazuar në planifikimin e buxhetit, përcjelljen e thirrjeve të MBPZHR-se për skemën e pagesave direkte dhe të grandeve, si dhe detyrave të tjera, prioritetet e drejtorisë do të kategorizohen në periudha tremujore.

Përveç aktiviteteve të parapara për periudhën kohore janar-dhjetor 2024, stafi i drejtorisë për BPZHR do të jenë të angazhuar edhe në komisione të ndryshme për mbikëqyrjen dhe pranimë teknike të projekteve kapitale pranë kësaj drejtorie, si dhe në komisione të tjera sipas nevojave dhe kërkesave që do të parashtrihen në drejtorinë tonë p.sh fatkeqësive natyrore si vërshime, breshër, erëra të fuqishme etj., të cilat kohëve të fundit po ndodhin shumë shpesh.

Në plan të parë do të jetë komunikimi dhe ofrimi i këshillave, i zyrtarëve të drejtorisë në raport me fermerët e komunës sonë që në numër nuk janë pak, mbi 3000.

Përkushtim i veçantë i DBPZHR-së do të jetë përmirësimi i infrastrukturës bujqësore për fermerët e vyeshëm të komunës sonë. Në kuadër të infrastrukturës parashihet që vëmendje kryesore do të kenë:

- Ndërtimi dhe mirëmbajtja e rrugëve fushore
- Ndërtimi i kanaleve të kullimit dhe drenazhimit të tokave bujqësore
- Zgjerimi i sistemit të ujitjes në bashkëpunim me kompaninë publike "KRU Dukagjini-Radoniqi"
- Pastrimi dhe mirëmbajtja e përroskave,
- Rritja e sipërfaqeve me pyje të reja
- Shfrytëzimi racional i tokave bujqësore dhe pyjore që janë dhënë në shfrytëzim
- Ruajtja dhe mbrojtja e pyjeve nga zjarret

Tremujori i parë: janar, shkurt, mars

Fillimi i këtij tremujori do të karakterizohet me thirrjen për aplikim për subvencione për qumësht/litër sipas kategorive të cilësisë, therrjet e raportuara të gjedhit, viçat për majmëri dhe akuakulturë për gjashtëmujorin e dytë të vitit 2023. Ky aktivitet është i ndërlidhur me Ministrinë e Bujqësisë, Pylltarisë dhe Zhvillimit Rural, por që nga praktika zakonisht thirrja hapet në gjysmën e muajit janar.

Pas përfundimit të fazës së aplikimit të gjitha dosjet do të dorëzohen në Agjencionin për zhvillimin e bujqësisë për të vazhduar me kontrollin administrative

Pranimi i aplikacioneve për qumësht	Aplikuesit	Koha e Realizimit
Plotësimi i dokumenteve dhe futja në sistemin eRF dhe LPIS	100 fermer	Shkurt - Mars

Gjatë kësaj periudhe po planifikohet që të bëhet edhe shpërndarja e plehut për fermerët, të cilët i plotësojnë kriteret të cilat do të paraqiten në aplikacion.

Shpërndarja e plehut artificial	Përfituesit	Sasia e planifikuar	Koha e Realizimit
Përzgjedhja e fermerëve që i plotësojnë kriteret, publikimi i listave dhe shpërndarja e plehut për këta fermerë	1000 Fermer	500,000kg	Shkurt - Mars

Tremujori i parë do të karakterizohet edhe me një proces shumë të rëndësishëm për DBPZHR-në pasi që do të vazhdojmë sërish edhe gjatë vitit 2024 me vaksinimin e bagëtive të trasha dhe të imta, në këtë mënyrë synojmë që t'a parandalojmë përhapjen e sëmundjeve të ndryshme në këtë sektor.

Vaksinimi i Bagëtime të trasha dhe të imta	Numri i Bagëtime që planifikohen të vaksinohen	Koha e Realizimit
Vaksinimi kryhet nga veterinari i punësuar në Komunë	Lopë-1800 Dele-7000	Shkurt-Mars

Si proces mjaft i rëndësishëm në këtë periudhë kohore do të jetë edhe shpallja e ankandit publik për dhënie të tokës bujqësore komunale me qira. Të gjitha procedurat do të iniciohen duke u bazuar në ligjet në fuqi për dhënie të tokës komunale bujqësore me qira.

Me përmirësimin e kushteve atmosferike do të fillojnë edhe punimet në projektet kapitale në sektorin e zhvillimit rural duke zbatuar projektet që paraprakisht kemi kontratë të lidhur me Operator Ekonomik.

Në sektorin e pylltarisë kjo periudhë tremujore do të ketë fokusin e përgjigjeve në kërkesat për damkosje të drunjtëve në pronat e pyjeve private, aktivitet që është i rregulluar me ligjin e Pylltarisë

Tremujori i dytë: prill, maj, qershor

Këtë periudhë tremujore do ta karakterizojë hapja e thirrjes për aplikim nga ana e MBPZHR-së për pagesave direkte- subvencione, ne si staf i drejtorisë synojmë të jemi të gatshëm të përballojmë fluksin e fermerëve gjatë kryerjes së procesit të aplikimit, synojmë të mobilizohemi me kapacitete të plota, si me staf poashtu edhe me mjete logjistike duke e ditur se komuna jonë ka numrin më të madh të fermerëve në nivel vendi.

Pas përfundimit të fazës së aplikimit të gjitha dosjet do të dorëzohen në Agjencionin për zhvillimin e bujqësisë për të vazhduar me kontrollin administrative dhe kontrollën e terrenit në mënyrë që të hapet rruga për pagesa të vitit 2024. Gjatë kësaj periudhe sikurse çdo vit zyrtarët e DBPZHR-së procesojnë të dhënat në databazë, ku në fund nxirret raport mbi të dhënat e fermerëve, më pastaj bëhet analizë me vitet paraprake mbi sipërfaqet e mbjella, llojet e pemëve dhe perimeve, sasinë, numrin e krerëve të bagëtime, numrin e shoqërive për bletë si dhe të dhënat e përfituara në euro "€" nga skema e pagesave direkte të Ministrisë së BPZHR-së.

Pranimi i aplikacioneve për Subvencione	Aplikuesit	Koha e Realizimit
Plotësimi i dokumenteve dhe futja në sistemin eRF dhe LPIS	3000 fermer	Prill – Maj (varësisht se kur hapet thirrja nga MBPZHR)

Gjatë kësaj periudhe po planifikohet që të bëhet edhe shpërndarja e preparateve për luftimin e sëmundjes të Hardhisë së Rrushit – luftimin e Insektit Cikadia, për fermerët të cilët do ti plotësojnë kriteret të paraqitura në aplikacion. Spërkatja me këtë preparat planifikohet të bëhet gjatë muajit qershor.

Shpërndarja e preparateve për luftimin e sëmundjes të Hardhisë së Rrushit.	Përfituesit	Sipërfaqja e mbuluar
Përzgjedhja e fermerëve që i plotësojnë kriteret, publikimi i listave dhe shpërndarja e preparateve për këta fermerë	1000 vreshtarë	2400 ha

Në këtë periudhë planifikojmë që të iniciojmë procedurat për shpallje të tenderëve për projektet:

- Ndërtimi i Urave në vendbanimet e komunës së Rahovecit (sipas kërkesave që i kemi pranuar nga fermerët)
- Ndërtimi dhe mirëmbajtja e rrugëve fushore

Përcjellja e projekteve kapitale, si: Rregullimi dhe mirëmbajtja e rrugëve fushore, Ndërtimi i kanaleve të kullimit dhe drenazhimit të tokave bujqësore, Ndërtimi i infrastrukturës në tregun e Rrushit, Ndërtimi i objektit- Depos bujqësore, e projekte të tjera do të jetë fokusi kryesor i zyrtarëve të drejtorisë.

Përcjellja e mbjelljeve pranverore për të parë më afër ecurinë e punëve agroteknike, duke iu ofruar këshillat e nevojshme fermerëve për mbjelljet, në mënyrë që të kenë rendiment dhe cilësi të kënaqshme.

Në kuadër të sektorit të pylltarisë duke qenë në koordinim të plot edhe me Agjensionin Pyjor të Kosovës planifikojmë të rrisim 25 hektar me pyje të reja në njësinë menaxhuese: Kaznik-Kramovik.

Objektivat kryesore në gjashtëmuorin e parë të vitit 2024

- Përfundimi me sukses i fazës së aplikimit për subvencione në kuadër të MBPZHR-së
- Inicimi i procedurave për shpallje të tenderëve për investime kapitale nga buxheti i ndarë për drejtorinë e bujqësisë
- Vaksinimi i bagëtive të trasha dhe të imëta.
- Shpërndarja e plehut kimik dhe preparateve bujqësore.
- Përcjellja dhe monitorimi i mbjelljeve pranverore, si dhe raportimi në Ministrinë e BPZHR-së

Tremujori i tretë: korrik, gusht, shtator

Fillimi i këtij tremujori do të jetë me fushatën e korrje-shirjeve, që edhe do ta karakterizojnë periudhën e tretë të vitit. Do të formohet komisioni për përcjelljen e procesit të korrje-shirjeve deri në përfundim të kësaj fushate duke e përcjellë me raport detal për Ministrinë e BPZHR-së.

Edhe gjatë vitit 2023 tradita e vjeljes së rrushit do të organizohet gjatë muajit shtator, ku komuna e Rahovecit do të ofrojë mbështetje të OJQ-ve rreth organizimit dhe mbarëvajtjes së festave me karakter bujqësor si: Festa e vjeljes së rrushit - HardhFest, Agrofesta, Panairi i produkteve të fund-vitit etj.

Në këtë periudhë do të hapet thirrja publike për aplikim për sipërfaqet me serra nga 3 deri në 10 ari. Fermerët do të aplikojnë sipas thirrjes publike dhe do të përzgjidhen fermerët të cilët do ti plotësojnë kriteret.

Llojet e Serave	Fermerët përfitues	Koha e Realizimit
3 ari	20 fermer	Gusht-Nëntor
5 ari	20 fermer	Gusht-Nëntor
10 ari	10 fermer	Gusht-Nëntor

Ky tremujor do të karakterizohet poashtu me thirrjen për aplikim për subvencione për qumësht/litër sipas kategorive të cilësisë, therrjet e raportuara të gjedhit, viçat për majmëri dhe akuakulturë për gjashtëmujorin e parë të vitit 2024, dhe për sigurime bujqësore, thirrje kjo që hapet nga Ministria e BPZHR-së.

Pranimi i aplikacioneve për qumësht dhe sigurime bujqësore	Aplikuesit	Koha e Realizimit
Plotësimi i dokumenteve dhe futja në sistemin eRF dhe LPIS	100 fermer-qumësht	Korrik- Gusht
	20- Sigurime bujqësore	

Gjatë muajve Gusht-Shtator, planifikohet të hapet edhe thirrja për aplikim për subvencionim nga MBPZHR-ja për sasi të kg të grurit dhe dëshmive të faturave të plehut.

Pranimi i aplikacioneve për sasi të kg. të grurit, dhe faturave të plehut	Aplikuesit	Koha e Realizimit
Plotësimi i dokumenteve dhe futja në sistemin eRF dhe LPIS	700	Gusht- Shtator

Për shkak të temperaturave të larta gjatë kësaj periudhe zjarret në pyje përhapen shumë lehtë, prandaj si synim i DBPZHR-së, konkretisht sektori i pylltarisë do të jetë që të parandalojë përhapjen e zjarreve, pra do të ketë angazhim maksimal për parandalim të zjarreve në bashkëpunim me Drejtorinë për Mbrojtje dhe Shpëtim.

Tremujori i katërt: tetor, nëntor, dhjetor

Ky tremujor karakterizohet me përcjelljen e vjeljeve të prodhimeve vjeshtore, pos vjeljes së prodhimeve, i rëndësishëm është edhe procesi i mbjelljeve vjeshtore, për këtë periudhë rëndësi të madhe ka procesi i mbjelljes së kulturës së grurit si kulturë strategjike në nivel vendi.

Vizitat në terren janë synimi jonë për këtë periudhë, pasi që në këtë kohë bëhet vjelja e rrushit, vizitat do të fokusohen në bodrume për grumbullim të rrushit si dhe përpunueseve të perimeve në tërë territorin e komunës sonë.

Prioriteti kryesor e që është edhe për tërë vitin do të jetë realizimi i buxhetit të drejtorisë i ndarë për vitin 2024, do të kujdesemi që punët e kryera të mbikëqyren dhe të shpenzohet buxheti në përpikëri duke zbatuar projektet kapitale që shërbejnë për zhvillimin më të hovshëm të bujqësisë në komunën tonë.

Objektivat kryesore në gjashtëmujorin e dytë të vitit 2024

- Fushata e korrje-shirjeve .
- Thirrja publike për aplikim për sipërfaqet me serra.
- Thirrja për aplikim për subvencione për qumësht, sigurime bujqësore.
- Thirrja për aplikim për subvencionim të sasisë së kg të grurit dhe faturave të plehut.
- Organizimi i festave që kanë karakter promovimin e produkteve bujqësore të komunës sonë.
- Përcjellja e investimeve kapitale.
- Vizitat në terren.
- Përcjellja e mbjelljeve vjeshtore.
- Realizimi i buxhetit të drejtorisë
- Shpallja e fermerit të vitit

PËRFUNDIM

Plani i punës i hartuar nga drejtoria e BPZHR-së është plan ambicioz që përfshinë në vete shumë aktivitete duke i prekur të gjithë sektorët e bujqësisë.

Ky plan mund të devijoj dhe të ketë mospërputhje duke u nisur nga fakti që në sferën e bujqësisë mund të ketë situata të pa parashikuara nga fatkeqësitë natyrore ku mund të numërojmë: breshri, shira të shumtë që shkaktojnë vërshime, temperatura të ulëta, temperatura të larta etj.

Përveç fatkeqësive natyrore, plani mund të devijojë edhe për shkak të aktiviteteve të përbashkëta me Ministrinë e Bujqësisë, Pylltarisë dhe Zhvillimit Rural, mund të mos përshtatet koha e hapjes së thirrjeve për pagesa direkte, thirrjeve për skemën e grante etj.

Stafi i DBPZHR-së është i përkushtuar që maksimalisht të zbatojë këtë plan njëvjeçar duke mos pasur shkoputje nga aktivitetet e viteve paraprake e poashtu duke krijuar vazhdimësi për vitet në vazhdim të harmonizuar edhe me strategjinë e zhvillimit të Bujqësisë 2022-2027 që është miratuar në nivelin qendror.



Drejtori DBPZHR-së

Berat Duraku